

Naed Cawbauj Gungqsou

□ Bungz Cidaz soucomz cingileix Ouh Caijfangh hoiz

De naemj bae naemj dauq, couh daiq Daegmauj bae henz vaengz youz. Daegdog doiq Daegmauj naeuz: “Lauxdoengz, cawbauj mwngz gouq le diuz mingh gou, gou baenzciuh cungj gyo’mbaiq mwngz. Seizneix, gou siengj caiq yawj naed cawbauj baez ndeu!” Daegmauj raen Daegdog yienghneix gangj, couh mbon naed cawbauj okdaeuj hawj Daegdog yawj. Daegdogoux gvaq naed cawbauj ronghsagsag neix, yied yawj yied simangq. Sawqmwh, de haenqrengz nyoengx Daegmauj mbat ndeu. “A——” sing ndeu, Daegmauj couh deng nyoengx roengz laj vaengz bae lo.

Daegdog gag vuenheij, yo ndei naed cawbauj ganjip maranz. Meh de cam: “Lauxdoengz Daegmauj mwngz ne?” Daegdog cangguh siengsim dap naeuz: “De gaenq bae dieg wnq lo.” Haet daihngeih, de couh caegcaeg hwnj roen bae gingsingz.

Dauq gangj Daegmauj deng Daegdog nyoengx roengzbae, hoeng doek daengz benq dan henz vaengz, deng sieng cix caengz dai. Hoeng seiqhenz dat lingqlangq, baenzlawz bin ndaej hwnjbae ne, henzgyawj hix mbouj miz giygwn, cij ndaej caj dai ndwi lo. De danq naeuz: “Ai, simndei gouq vunz, dauq deng vunz haih, mehmbwn na!”

Dingjlingz, Daegmauj deng nyoengx roengz laj vaengz seiz, duzromh Daegmauj gaxgonq gouq

yawjraen lo, de youq byonghmbwn doetsaet hemq sing ndeu, doq mbin roengz laj vaengz bae yawj miz maz saeh. Yienzhaeuh de youh mbin hwnjdaeuj, bae lwnh hawj duzdoq Daegmauj gaxgonq gouq. Duzdoq Daegmauj gaxgonq gouq ndaej rox aen siusik mbouj ndei neix, doq lwnh duzngwz hau, duzmoed, duzroegenq caeuq duzsaehaexma daengj doenghduz Daegmauj gaxgonq gouq. Yaep ndeu, gyoengqde couh comz youq itheij lo. Duzromh naeuz: “Gou soengq giygwn hawj aenvunz.” Duzsaehaexma, duzmoed naeuz: “Dou soengq yw.” Duzngwz hau naeuz: “Gou bae ram aenvunz hwnjdaeuj.” Gangj sat, gyoengqde couh gag nyaengq bae bang Daegmauj lo. Duzngwz hau heuh beixnuengx de daeuj, baenz cien baenz fanh duzngwz raih daengz henz dan, caengz dem caengz, sai le song ngoenz song hwnz, dauqdaej dawz Daegmauj ram hwnjdaeuj lo. Daegmauj ndaej gouq le, gyo’mbaiq gyoengq doenghduz bang de.

Daegmauj ndaej rox Doegdog gag dawz cawbauj bae gingsingz, hozgaek dangqmaz. Duzdoq, duzngwz hau buenx de gipmuengz ganj bae gingsingz.

Byawz rox, Doegdog sien daengz gingsingz, caeux couh dawz cawbauj soengq hawj vuengzdae, gaenq ndaej guh hak hung lo. Daegmauj gauq Doegdog, youq dangqna j vuengzdae,

cij raen Doegdog fanj bak naeuz: “Lwgcaeg Daegmauj, gyajmauh vunzdoegsaw yaek daeuj gingsingz gaujsi, daegdaengq bae ranznden gou youq, byonghhwnz gawqyienz ndonj haeuj ranz gou daeuj caeg cawbauj, caeklaiq miz vunz fatyienh, ciengj cawbauj dauqma……” Doegdog bak gvai cang lauxsaed, caih Daegmauj baenzlawz gangj vuengzdae hix mbouj saenq.

Doeklaeng vuengzdae fokdengdeng couh heuh vunz daeuj moeb Daegmauj. Cingqngamj Daegmauj heuh “ien’uengj” seiz, sawqmwh miz vunz daeuj bauq: Bingmax henz guek hoenx gvaqdaeuj lo, dangqna j couh yaek hoenx daengz gingsingz lo. Youq mwh youqgaenj neix, vuengzdae roengzlingh heuh gak boux cienggun daiq bing bae dingj vunzdig. Hoeng, bang cienggun cungj lau deng hoenx baih, byawz hix mbouj gamj ok sing. Daegmauj dauq hemq hwnjdaeuj: “Hawj gou bae ba!”

Daegmauj buet ok gingsingz, cij raen vunzdig gaenq gyawj henz gingsingz lo. Mwhneix, Daegmauj sikhaek heuh duzromh, duzdoq, duzngwz hau gvaqdaeuj. Yaep he, gwnzmbwn duzromh, duzdoq rim ndaej laepcubcub, gyoengqde baez dot baez ndat, cienmonz camx gij lwgda vunzdig. Gwnznamh duzngwz raih seiqlengq, gyoengqde geuj ga max vunzdig, hawj gyoengq max cungj daengx roengzdaeuj. Vunzdig hemq

dai hemq lix, baenzlawz hoenx ndaej baenz dem.

Daegmauj ndaej hoenx hingz, vuengzdae sikhaek couh cam de: “Mwngz mbouj yungh cungq cax hix hoenx ndaej hingz, gyoengq doenghduz vihmaz dingq gij vah mwngz bae hoenx vunzdig ne?” Daegmauj couh dawz duz gungqsou haiz soengq naed cawbauj caeuq gij saeh daeuj gingsingz gwnz roen fatseng ciengzsaeq gangj okdaeuj, vuengzdae dingq ndaej deihdeih ndaekgyaeuj. Daegdog hix ndwn youq henz, naj de yaep ndeu heu, yaep ndeu hau, lau ndaej saenzdwdwd, hoeng de euq de mbouj haih Daegmauj gvaq. Daegmauj cij ndaej heuh duzdoq daeuj guhcingq, duzdoq baez raen Daegdog, roxnyinh de mbouj miz aensim, sikhaek couh coemj gvaqbae, haenq ndat hoz de, de couh deng doeg dai lo. Baenzneix, vuengzdae engqgya saenq gij vah Daegmauj lo

Gvaqlaeng, Daegmauj bae gaujsi, gauj ndaej canghyienz lo. Vuengzdae nyinhnaeuz de gig miz dungxcaiz caemhcai simndei simsienh, hawj de guh hak hung.

Daegmauj ndaej louz youq gingsingz, hoeng de mbouj lumz beixnuengx gungqsou, sikhaek gwih max maranz, roq laz roq gyong,oux gungqsou daeuj gingsingz caez youq. (sat)

Gou daengx youq baihnaj ranzdaemq de, mbouj gamj caeuq de byaij haeujbae.

De ngaemgyaeuj byaij haeuj ndawranz, lij caeuq gou gangj vah:

“Baenzneix gou aeu gyo’mbaiq daiq mwngz lo, mwngz naengh yaep he, gou cawj nohngwz hawj mwngz cimzcimz, mbei ngwz mbouj gamj gwn, nohngwz wnggai gamj gwn ba? —— Yi, Ah Byauh, haeujdaeuj ha, ndwn youq baihrog guh maz?”

“Gou mbouj gamj!” Aenvih doenghbaez dou daengz miuhsaenzvangz daeuj guhcaemz, cijaeu byaij gyawj ranz de, de couh lumj duz ma yak nei raeuq hwnjdaeuj, lumj giemxdou ranzdaemq de haem miz dileiz nei, hwk ndaej dou byawz hix mbouj gamj caiq byaij gyawj lo.

“Mbouj lau, gou youq ne!” De youq ndawranz heuh.

Gou cijndei siujsim riri yamq gvaq giemxdou.

Ndaw ranzdaemq mbouj rongh geijlai, caiq gangj seizneix yaek fuemx, gou baez haeuj ndaw, ceng mbouj geijlai yawj mbouj raen yiengh doxgaiq lawz, ndigah hix mbouj gamj

·Sawcuenhvaez Lwgnyez·

Gij Golwgnyez Henz Dahhoengz

□ Lanz Haijvangz Moz Beibei / 蓝海洋 莫蓓蓓

seizbienh yamqdin.

“Daeuj. Naengh baihneix.”

“Myox lai lo!”

“Yaep he couh roxnyinh rongh lo!”

Dahraix, gou couh menhmenh yawj ndaej raen lo, Aulungzgveiz cingq maeuq youq henz aen doengjraemx ronq nohngwz.

Gou dawz gaiq gau ndaw lamz caeuq song geu buhvaq okdaeuj cuengq youq gwnz congz iq, doeklaeng byaij daengz baihlaeng de yawj de guh.

De dawz gyaeuj caeuq rieng duzngwz raemj bae caez, cij lw duenh cungqgyang miz noh haenx, aeu fagcax ronq baenz gaet baenz gaet, vut haeuj ndaw rek iq he.

Gou ndwn youq henz gvih lumj aen ringj iq, de sawqmwh iet fwngz

dumzdwddwd rag gou baez he, heuh gou liz aen gvih haenx gyae di.

“Guh maz?”

Gou ngaemgyaeuj yawj le aen gvih baez he, aen gvih haenx couh lumj aen ringj, mboujgvaq miz baih ndeu dwg aeu muengxdietsienq humx dwk, gou siengj cimcim ndawde coq miz maz doxgaiq, hojsik laep lai, maz hix yawj mbouj raen, cij roxnyinh miz geu heiqlaeusing he cigsoh roemx haeuj ndaw ndaeng daeuj.

“Mwngz mbouj dwg gig lau duzngwz ha?”

“Baenzneix gangj—— gizneix cang miz duzngwz?”

“W, cungj dwg duzngwz cei q doeg.” De hainduj youq ndaw cauq iq caux feiz.

“Ai!” Gou doq liz aen gvih haenx

gig gyae cam: “Duzngwz mwngz ciengx hane?”

“W.”

“Rox haeb vunz?”

“Rox, baez deng haeb couh yaek dai!”

Gou simdiuq dwk caiq baenq gyaeuj yawj aen gvih haenx, doeksaet cam:

“Yienghneix, mwngz lij ciengx gyoengqde guh maz?”

“Gwn ha! Duzngwz yied doeg yied ndaej bouj ndangdae!”

“Haxbaenh duzngwz deng bok naeng haenx dwg mbouj dwg ngwzdoeg?”

“Mbouj dwg, dwg duz nuem iq.” De beiz feiz naeuz: “Danghnaeuz dwg ngwzdoeg, gou couh sij mbouj ndaej gaj de lo.” (caengz sat)